



Broj: 02-04-30764-3/22
Sarajevo, 11.08.2022. godine

Na osnovu člana 26. i 28. stav (4) Zakona o Vladi Kantona („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na **89.** sjednici održanoj **11.08.2022.** godine, donijela je

Z A K L J U Č A K

1. Utvrđuje se prijedlog Odluke o proglašenju boračkih udruženja, organizacija i saveza od posebnog interesa za Kanton Sarajevo.
2. Prijedlog Odluke iz tačke 1. ovog zaključka dostavlja se Skupštini Kantona Sarajevo na nadležno odlučivanje.

P R E M I J E R

Edin Forto

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo za boračka pitanja Kantona Sarajevo,
6. Evidencija,
7. A r h i v a.

Na osnovu člana 18. stav 1. tačka b), a u vezi sa čl. 12., 13. i 14. Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01, 28/04, 6/13 i 31/17) Skupština Kantona Sarajevo na sjednici _____ održanoj _____ 2022. godine, donijela je

PRIJEDLOG

ODLUKU O PROGLAŠENJU BORAČKIH UDRUŽENJA, ORGANIZACIJA I SAVEZA OD POSEBNOG INTERESA ZA KANTON SARAJEVO

DIO PRVI - OPĆE ODREDBE

Član 1. (Predmet)

Ovom odlukom utvrđuje se da su udruženja, organizacije i savezi koja čine Koordinacioni odbor boračkih organizacija Kantona Sarajevo od posebnog interesa i značaja za Kanton Sarajevo, kao organizacije koje svojim djelovanjem doprinose sljedećem:

- a) dosljednom sprovođenju i poštivanju ustavnosti, zakonitosti i jačanju Kantona Sarajevo, Federacije Bosne i Hercegovine i države Bosne i Hercegovine,
- b) implementaciji Zakona o dopunskim pravima boraca – branitelja Bosne i Hercegovine („Službene novine Kantona Sarajevo“, broj 18/21- Novi Prečišćeni tekst),
- c) implementaciji zakona sa nivoa Federacije Bosne i Hercegovine i to: Zakon o pravima branilaca i članova njihovih porodica („Službene novine Federacije BiH“, br. 33/04, 56/05-Ispravka, 70/07, 9/10, 90/17 i 29/22), Zakon o pravima demobiliziranih branilaca i članova njihovih porodica („Službene novine Federacije BiH“, broj 54/19 i 29/22) i Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, br. 70/05, 61/06, 9/10, 90/17 i 29/22),
- d) zaštiti prava, zadovoljenju zajedničkih interesa i rješavanju značajnih pitanja u društvu za sve boračke kategorije,
- e) realizaciji projekata očuvanja, njegovanja kulture sjećanja i tradicije oslobodilačkog rata putem obilježavanja značajnih događaja, datuma i ličnosti shodno Odluci o utvrđivanju „Kalendara za obilježavanje značajnih događaja, datuma i ličnosti iz perioda odbrambeno-oslobodilačkog rata 1992. – 1995. godine na području Kantona Sarajevo („Službene novine Kantona Sarajevo“, broj 9/08) i Odluci o utvrđivanju „Kalendara za obilježavanje značajnih događaja, datuma i ličnosti iz perioda narodnooslobodilačkog rata 1941. – 1945. godine na području Kantona Sarajevo („Službene novine Kantona Sarajevo“, broj 14/09),
- f) realizaciji projekata humanitarnog karaktera sa ciljem pomoći socijalno najugroženijim pripadnicima svih boračkih kategorija,
- g) realizaciji projekata zadovoljenja potreba koje osobe sa invaliditetom ostvaruju na specifičan način uz korištenje specijalnih pomagala,
- h) realizaciji programa resocijalizacije i integracije svih boračkih kategorija u društvenu sredinu (dodatna edukacija, rehabilitacija i prekvalifikacija),
- i) realizaciji programa pomoći u liječenju, stambenom zbrinjavanju i rehabilitaciji,
- j) realizaciji programa sportske manifestacije i memorijalnih turnira,
- k) realizaciji programa pružanja pravne pomoći i cjelodnevan rad sa strankama,
- l) realizaciji programa koji se odnose na sportske manifestacije i memorijalne turnire i one koji podstiču afirmaciju invalidskog sporta, a naročito manifestacije i memorijalne turnire

- posvećene licima i događajima vezanim za odbrambeno-oslobodilački rat 1992.-1995. godine u organizaciji boračkih i drugih udruženja te sportskih društava,
- m) realizacija aktivnosti i uključivanje što većeg broja boračke populacije pripadnika nacionalnih manjina, promocije spolne/rodne, ekonomske i socijalne uključenosti u rad udruženja i realizaciju projekata, te jednak pristup budžetskim sredstvima muškarcima i ženama, siromašnim i drugim marginaliziranim grupama,
 - n) realizaciji projekta pisana riječ, prikupljanje arhivske građe i snimanje dokumentarnih filmova,
 - o) realizaciji projekata na izgradnji spomen-obilježja,
 - p) realizaciji projekata vezanih za mezarja i groblja šehida i poginulih boraca, te umrlih članova svih boračkih kategorija,
 - (r) realizaciji programa vezanih za učešće u općinskim, gradskim, kantonalnim i državnim manifestacijama i
 - (s) realizaciji drugih programa i projekata koji doprinose zaštiti interesa svih boračkih kategorija.

Član 2. **(Rodna ravnopravnost)**

- (1) Gramatička terminologija korištenja muškog ili ženskog roda u ovoj odluci podrazumijeva uključivanje oba roda.
- (2) Pojmovi utvrđeni odredbama ove odluke gdje se spominju u različitim padežima zamjenjuju se riječima u odgovarajućem padežu.

DIO DRUGI – UDRUŽENJA, ORGANIZACIJE I SAVEZI OD POSEBNOG INTERESA ZA KANTON SARAJEVO

Član 3. **(Udruženja, organizacije i savezi od posebnog interesa za Kanton Sarajevo)**

Na području Kantona Sarajevo od posebnog interesa u skladu sa članom 1. ove odluke su članice Koordinacionog odbora boračkih organizacija Kantona Sarajevo i to slijedeća udruženja, organizacije i savezi:

- a) Udruženje Jedinostvena organizacija boraca “Unija Veterana” Kanton Sarajevo,
- b) Udruženje Organizacija porodica šehida i poginulih boraca Kantona Sarajevo,
- c) Udruženje „Savez ratnih vojnih invalida Kantona Sarajevo”,
- d) Savez udruženja boraca “Patriotska liga” Kantona Sarajevo,
- e) Savez udruženja dobitnika najvećih ratnih priznanja “Zlatni ljiljan” i “Zlatna policijska značka” Kantona Sarajevo,
- f) Udruženje Organizatora otpora, Veterana rata, Dobrovoljaca, Prvoboraca i Branioca “Bosnae – Zelene beretke” Kantona Sarajevo,
- g) Udruženje ratnih vojnih invalida paraplegičara Kantona Sarajevo,
- h) Savez udruženja antifašista i boraca Narodnooslobodilačkog rata u Kantonu Sarajevo i
- i) Udruženje veterana Odreda policije „Bosna“ Kantona Sarajevo.

DIO TREĆI - FINANSIRANJE

Član 4. (Finansiranje)

Djelatnost udruženja, organizacija i saveza iz člana 3. ove odluke finansiraju/sufinansiraju se iz Budžeta Kantona Sarajevo sve dok ispunjavaju ciljeve iz člana 1. ove odluke odnosno do ukidanja statusa od posebnog interesa za Kanton Sarajevo na inicijativu Skupštine Kantona Sarajevo u skladu sa odredbama ove odluke, odredbama Zakona o udruženjima i fondacijama ("Službene novine Federacije BiH", broj 45/02) i drugim relevantnim pozitivnim propisima.

Član 5. (Zahtjev za finansiranje/sufinansiranje)

(1) Udruženja, organizacije i savezi iz člana 3. ove odluke predaju svoje zahtjeve za finansiranje/sufinansiranje aktivnosti/programa/projekata Ministarstvu za boračka pitanja Kantona Sarajevo koje ih podržava u skladu sa odobrenim budžetom za boračka udruženja, odnosno za realizaciju projekata od interesa za boračku populaciju u saradnji sa neprofitnim organizacijama.

(2) Ministarstvo za boračka pitanja donosi posebnu instrukciju vezano za podnošenje zahtjeva za finansiranje/sufinansiranje aktivnosti/programa/projekata, za dostavljanje izvještaja i pravdanja sredstava i druga značajna pitanja za udruženja, organizacije i saveze iz člana 3. ove odluke.

Član 6. (Obaveze udruženja, organizacija i saveza)

(1) Udruženja, organizacije i savezi iz člana 3. ove odluke dužna su uredno ispunjavati obaveze iz svih prethodno zaključenih ugovora o finansiranju/sufinansiranju iz budžetskih sredstava (ili po osnovu ranije dodijeljenih sredstava, ako nisu zaključivali ugovore).

(2) Udruženja, organizacije i savezi iz člana 3. ove odluke su dužna održavati svoje izvještajne i izborne skupštine u skladu sa odredbama statuta.

(3) U slučaju problema u radu udruženja na relaciji udruženje-članice udruženja, organizacija-članice organizacije i savez-članice saveza, ne ispunjavanja uvjeta za upis promjena u Registar udruženja kod nadležnog Ministarstva, kao i ne održavanje skupštine udruženja u vremenskom periodu utvrđenim statutom udruženja, Ministarstvo zadržava pravo da ne prihvati zahtjev za finansiranje/sufinansiranje programa i projekata kao i da obustavi doznačavanje sredstava za eventualno odobrene projekte i programe do uspostavljanja normalnog funkcionisanja udruženja.

Član 7. (Obaveza pravdanja dodijeljenih sredstava)

Udruženja, organizacije i savezi iz člana 3. ove odluke koja ne opravdaju finansijska sredstva za predhodni period, ne mogu konkurisati za finansiranje aktivnosti/projekata za narednu budžetsku godinu.

DIO ČETVRTI - PRELAZNE I ZAVRŠNE ODREDBE

Član 8. (Nadzor)

Nadzor nad provedbom ove odluke vrši Ministarstvo za boračka pitanja Kantona Sarajevo i Ministarstvo pravde i uprave Kantona Sarajevo.

Član 9. (Stupanje na snagu)

Ova odluka stupa na snagu narednog dana od dana objavljivanja u Službenim novinama Kantona Sarajevo.

Broj:
Sarajevo,

**PREDSJEDAVAJUĆI SKUPŠTINE
KANTONA SARAJEVO**

Elvedin Okerić

O B R A Z L O Ž E N J E

I – PRAVNI OSNOV

Pravni osnov za donošenje Odluke o proglašenju boračkih organizacija u Kantonu Sarajevo od posebnog interesa za Kanton Sarajevo sadržan je u odredbama člana 18. stav 1. tačka b), a u vezi sa čl. 12., 13. i 14. Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01, 28/04, 6/13 i 31/17).

II – RAZLOZI ZA DONOŠENJE

Skupština Kantona Sarajevo je na 53. radnoj sjednici održanoj dana 06.07.2022. godine, na prijedlog zastupnika Okerić Elvedina, donijela Zaključak kojim se prihvata Inicijativa da Vlada Kantona Sarajevo i Ministarstvo za boračka pitanja Kantona Sarajevo donesu Odluku o proglašenju boračkih organizacija Kantona Sarajevo od posebnog interesa za Kanton Sarajevo, a koje su članice Koordinacionog odbora boračkih organizacija Kantona Sarajevo. Uz tekst ovog zaključka dostavljen nam je prijedlog teksta odluke, kojeg smo nužno morali normativno tehnički urediti po pravilima i postupku za izradu zakona i drugih propisa Federacije BiH.

Temelj za osnivanje udruženja u sastavu „Koordinacionog odbora boračkih organizacija Kantona Sarajevo“ postavljen je 1995. godine. Udruženja koja okupljaju ratne vojne invalide, članove porodice šehida i poginulih boraca i demobilizirane pripadnike oružanih snaga su bila posebno tretirana još Uredbom za zakonskom snagom koju je na prijedlog Vlade Federacije BiH, donijelo Predsjedništvo Republike BiH, a koja je objavljena u Službenom listu Republike BiH broj 33/95. Prema ovoj Uredbi su osnivana udruženja članovi Koordinacionog odbora (još za vrijeme trajanja ratnog stanja), a Koordinacioni odbor djeluje od 10.04.2003. godine kada je donesen Poslovnik o radu (uz dopune od 12.02.2004. i 25.03.2005. godine).

Ova udruženja su bila uključena u realizaciju prava propisanih Zakonom o dopunskim pravima boraca-branitelja Bosne i Hercegovine („Službene novine Kantona Sarajevo“ broj 18/21 – Novi Prečišćeni tekst), te u realizaciju skupštinske odluke o realizaciji Projekta „Opsada i odbrana Sarajeva 1992-1995 (Odluka o utvrđivanju “Kalendara za obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995. godine na području Kantona Sarajevo" i Odluka o utvrđivanju "Kalendara za obilježavanje značajnih događaja, datuma i ličnosti iz perioda narodnooslobodilačkog rata 1941.-1945. godine na području Kantona Sarajevo sa odgovarajućim zaključkom Vlade Kantona Sarajevo) i obuhvataju sve boračke kategorije.

Ranije su pojedina prava direktno implementirana preko boračkih udruženjima iz sastava Koordinacionog odbora, a zaključkom Vlade Kantona Sarajevo koji se odnosi na obilježavanje značajnih datuma je Koordinacioni odbor takođe eksplicitno spomenut. Također, je u članu 66. ranije vežećeg teksta Zakona o dopunskim pravima boraca-branitelja BiH, navedeno da se informacije o ostvarenim pravima mogu dobiti kod kantonalnih boračkih udruženja.

U periodu do 2014. godine boračka udruženja u sastavu „Koordinacionog odbora boračkih organizacija Kantona Sarajevo“ su bila poimenično pobrojana u Budžetu u okviru Ministarstva za boračka pitanja i Javni poziv za finansiranje/sufinansiranje udruženja posebno je provoden za boračka udruženja u sastavu „Koordinacionog odbora boračkih organizacija Kantona Sarajevo“, a posebno za ostala boračka udruženja.

Na osnovu Odluke o utvrđivanju kalendara za obilježavanje značajnih događaja, datuma i ličnosti iz perioda odbrambenooslobodilačkog rata 1992-1995 na području Kantona Sarajevo ("Službene novine Kantona Sarajevo", broj 9/08) donesene od strane Skupštine Kantona Sarajevo dana, 26.03.2008. godine i Odluke o utvrđivanju kalendara značajnih događaja, datuma i ličnosti iz perioda narodnooslobodilačkog rata 1941-1945 na području Kantona Sarajevo donesene od strane Skupštine Kantona Sarajevo dana, 29.04.2009. godine i Zaključka Vlade Kantona Sarajevo donesenog 18.12.2008. godine kroz stavove 2. 3. 4. i stav 19. u provođenju naprijed navedene Skupštinske odluke gdje se Koordinacioni odbor boračkih organizacija Kantona Sarajevo obavezuje za aktivno učešće u organizovanju obilježavanja za preko 75 značajnih događaja, datuma i ličnosti u Kantonu Sarajevo, čime su kao nevladinom sektoru prenijeta javna ovlaštenja.

Iz naprijed navedenog proizilaze razlozi zbog kojih smo sačinili Prijedlog ove odluke.

III – OBJAŠNJENJE PRAVNIH RJEŠENJA SADRŽANIH U ODLUCI

Članom 1. utvrđuje se da su udruženja, organizacije i savezi koji čine Koordinacioni odbor boračkih organizacija Kantona Sarajevo od posebnog interesa i značaja za Kanton Sarajevo, te je taksativno naveden njihov doprinos društvenoj zajednici i očuvanju kulture pamćenja.

Članom 2. propisana je rodna ravnopravnost.

Članom 3. su nabrojana udruženja, organizacije i savezi članice Koordinacionog odbora boračkih organizacija Kantona Sarajevo koja su od posebnog interesa za Kanton Sarajevo.

Članom 4. propisano je da se djelatnost udruženja od posebnog interesa za Kanton Sarajevo finansira/sufinansira iz Budžeta Kantona Sarajevo, pod uvjetom da ispunjavaju ciljeve zbog kojih su osnovani, a navedeni su u članu 1. ove odluke. Ukidanje finansiranja može uslijediti i na inicijativu Skupštine Kantona Sarajevo u skladu sa pozitivnim propisima.

Članom 5. propisan je način predaje zahtjeva za finansiranje/sufinansiranje, koji se predaju resornom ministarstvu u skladu sa odobrenim sredstvima u budžetu za finansiranje boračkih udruženja. U cilju uređenja načina predaje zahtjeva za finansiranje propisano je da će ministarstvo za boračka pitanja donijeti posebnu instrukciju koja će obuhvatiti i urediti i druga značajna pitanja kao što je pravdanje sredstava, izvještavanje i sl.

Članom 6. propisane su obaveze udruženja, organizacija i saveza da su dužni poštovati odredbe potpisanih ugovora o finansiranju/sufinansiranju, redovno izvršavati zakonsku obavezu održavanja izvještajnih i izbornih skupština. Ovim članom propisano je i postupanje resornog ministarstva u slučaju problema u radu koje nastaju na relaciji udruženje/organizacije/savezi sa njihovim članicama.

Članom 7. propisano je ograničenje mogućnosti za konkurisanje za sredstva iz budžeta ukoliko udruženja, organizacije i savezi nisu opravdali finansijska sredstva za aktivnosti/projekte odobrena za prethodni period.


Članom 8. propisano je da nadzor nad primjenom ove odluke vrši Ministarstvo za boračka pitanja i Ministarstvo pravde i uprave.

Članom 9. propisan je dan stupanja na snagu ove uredbe.

IV - FINANSIJSKA SREDSTVA

Ministarstvo za boračka pitanja Kantona Sarajevo na svojim budžetskim pozicijama planira sredstva za podršku projekta nevladinog sektora (614300 DAN029 "Realizacija projekata od interesa za boračku populaciju u saradnji sa neprofitnim organizacijama") u okviru koje je i ranije, uključujući i tekuću godinu, pružana i podrška aktivnostima/programima/projektima boračkih udruženja koja tretira predmetna odluka. Takođe predmetnom odlukom je eksplicitno navedeno da Ministarstvo za boračka pitanja podržava zahteve za finansiranje/sufinansiranje aktivnosti/programa/projekata u skladu sa odobrenim budžetom za boračka udruženja, odnosno za realizaciju projekata od interesa za boračku populaciju u saradnji sa neprofitnim organizacijama.

Obzirom da se radi o korištenju postojećih budžetskih sredstava, odnosno da predmetna odluka ne zahtijeva osiguranje posebnih/dodatnih budžetskih sredstava, sačinjen je obrazac IFP-NE.



Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Broj: 08-03-11-28621-2 /22 MD
Sarajevo, 04.08.2022. godine

KANTON SARAJEVO **MINISTARSTVO ZA BORAČKA PITANJA**

Predmet: Mišljenje na Prijedlog Odluke o proglašenju boračkih udruženja, organizacija i saveza od posebnog interesa za Kanton Sarajevo;

Veza: Vaš dopis, broj: 06-02-28549-1/22 od 01.08.2022. godine;

Vezano za Vaš zahtjev za mišljenje na Prijedlog Odluke o proglašenju boračkih udruženja, organizacija i saveza od posebnog interesa za Kanton Sarajevo, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Ministarstvo za boračka pitanja Kantona Sarajevo je postupilo u skladu sa navedenim Pravilnikom i Ministarstvu finansija uz Prijedlog Odluke dostavilo na mišljenje popunjen i potpisan obrazac IFP-NE u kojem je data sljedeća izjava: „Skupština Kantona Sarajevo je donijela Zaključak broj 01-04-25536-1/22 od 06.07.2022. godine kojim se prihvata zastupnička „Inicijativa da Vlada Kantona Sarajevo i Ministarstvo za boračka pitanja Kantona Sarajevo, pripreme Odluku o proglašenju boračkih organizacija Kantona Sarajevo od posebnog interesa za Kanton Sarajevo, a koje su članice Koordinacionog odbora boračkih organizacija Kantona Sarajevo“. U cilju realizacije navedenog Zaključka Ministarstvo za boračka pitanja je pripremilo tekst Odluke o proglašenju boračkih udruženja, organizacija i saveza od posebnog interesa za Kanton Sarajevo. Ministarstvo za boračka pitanja Kantona Sarajevo na svojim budžetskim pozicijama planira sredstva za podršku projektima nevladinog sektora (614300 DAN029 „Realizacija projekata od interesa za boračku populaciju u saradnji sa neprofitnim organizacijama“) u okviru koje je i ranije, uključujući i tekuću godinu, pružana i podrška aktivnostima/programima/projektima boračkih udruženja koje tretira predmetna Odluka. Takođe predmetnom Odlukom je eksplicitno navedeno da Ministarstvo za boračka pitanja podržava zahtjeve za finansiranje/sufinansiranje aktivnosti/programa/projekata u skladu sa odobrenim budžetom za boračka udruženja, odnosno za realizaciju projekata od interesa za boračku populaciju u saradnji sa neprofitnim organizacijama. Obzirom da se radi o korištenju postojećih budžetskih sredstava, odnosno da predmetna Odluka ne zahtijeva osiguranje posebnih/dodatnih budžetskih sredstava, sačinjen je ovaj obrazac IFP-NE“.

Obzirom da za provođenje Prijedloga Odluke nisu potrebna dodatna sredstva iz Budžeta Kantona Sarajevo, na navedeni Prijedlog Odluke o proglašenju boračkih udruženja, organizacija i saveza od posebnog interesa za Kanton Sarajevo, Ministarstvo finansija, sa aspekta fiskalnog učinka na Budžet, **nema primjedbi.**

Ovo mišljenje je dato u skladu sa odredbama Prijedloga Odluke koja se obrađuje i podataka navedenih u Obrascu IFP-NE Izjave o fiskalnoj procjeni, čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.

Dostaviti:

1. Naslovu
2. MF-Sektor za budžet i fiskalni sistem
3. a/a

Pripremio: Mensura Drakovac, BA menadžmenta
Kontrolisala: Amina Moćević, mr. oec.



OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

Razdjel	KOD	Naziv
1301		Ministarstvo za boračka pitanja Kantona Sarajevo

B 2. Osnovni podaci o prijedlogu propisa

Vrsta propisa/akta	Zakon	NE	Odluka	DA	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	ODLUKA O PROGLAŠENJU BORAČKIH UDRUŽENJA, ORGANIZACIJA I SAVEZA OD POSEBNOG INTERESA ZA KANTON SARAJEVO					

C 3. Izjava o nepostojanju dodatnih fiskalnih efekata predloženog propisa

Skupština Kantona Sarajevo je donijela Zaključak broj 01-04-25536-1/22 od 06.07.2022. godine kojim se prihvata zastupnička "Inicijativa da Vlada Kantona Sarajevo i Ministarstvo za boračka pitanja Kantona Sarajevo, pripreme Odluku o proglašenju boračkih organizacija Kantona Sarajevo od posebnog interesa za Kanton Sarajevo, a koje su članice Koordinacionog odbora boračkih organizacija Kantona Sarajevo". U cilju realizacije navedenog Zaključka Ministarstvo za boračka pitanja je pripremio tekst Odluke o proglašenju boračkih udruženja, organizacija i saveza od posebnog interesa za Kanton Sarajevo. Ministarstvo za boračka pitanja Kantona Sarajevo na svojim budžetskim pozicijama planira sredstva za podršku projekta "Realizacija projekata od interesa za boračku populaciju u saradnji sa neprofitnim organizacijama" u okviru koje je i ranije, uključujući i tekuću godinu, pružana i podrška aktivnostima/programima/projektima boračkih udruženja koja tretira predmetna Odluka. Takođe predmetnom Odlukom je eksplicitno navedeno da Ministarstvo za boračka pitanja podržava zahteve za finansiranje/sufinansiranje aktivnosti/programa/projekata u skladu sa odobrenim budžetom za boračka udruženja, odnosno za realizaciju projekata od interesa za boračku populaciju u saradnji sa neprofitnim organizacijama.

Obzirom da se radi o korištenju postojećih budžetskih sredstava, odnosno da predmetna Odluka ne zahtijeva osiguranje posebnih/dodatnih budžetskih sredstava, sačinjen je ovaj obrazac IFP-NE.

D 4. Pečat i potpis odgovornog lica

Ministar Džemal Čizmić

Mjesto i datum





Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Na osnovu čl. 106., 117. i 120. Poslovnika Skupštine Kantona Sarajevo („Službene novine Kantona Sarajevo“, broj 41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22-Ispravka) Skupština Kantona Sarajevo je na 53. Radnoj sjednici održanoj dana 06.07.2022. godine, na prijedlog zastupnika Okerić Elvedina, donijela sljedeći:

ZAKLJUČAK

Prihvata se Inicijativa da Vlada Kantona Sarajevo i Ministarstvo za boračka pitanja Kantona Sarajevo, donesu Odluku o proglašenju boračkih organizacija Kantona Sarajevo od posebnog interesa za Kanton Sarajevo, a koje su članice Koordinacionog odbora boračkih organizacija Kantona Sarajevo.

U prilogu: Inicijativa i prijedlog Odluke

Broj: 01-04-25536-1/22
06.07.2022. godine
SARAJEVO



PREDSJEDAVAJUĆI
SKUPŠTINE KANTONA SARAJEVO

Elvedin Okerić

Kanton Sarajevo
Skupština Kantona Sarajevo
Elvedin Okerić, zastupnik Političke organizacije Narod i pravda

KANTON SARAJEVO
VLADA

MINISTARSTVO ZA BORAČKA PITANJA

ZASTUPNIČKA INICIJATIVA

Pokrećem Inicijativu prema Vladi Kantona Sarajevo i Ministarstvu za boračka pitanja da donesu Odluku o proglašenju boračkih organizacija Kantona Sarajevo od posebnog interesa za Kanton Sarajevo, a koje su članice Koordinacionog odbora boračkih organizacija Kantona Sarajevo.

Obrazloženje:

Na osnovu Odluke o utvrđivanju kalendara za obilježavanje značajnih događaja, datuma i ličnosti iz perioda odbrambenooslobodilackog rata 1992-1995 na području Kantona Sarajevo (Službene novine Kantona Sarajevo br:9/08) donešene od strane Skupštine Kantona Sarajevo dana, 26.03.2008. godine i Odluke o utvrđivanja kalendara značajnih događaja, datuma i ličnosti iz perioda narodnooslobodilačkog rata 1941-1945 na području Kantona Sarajevo donesene od strane Skupštine Kantona Sarajevo dana, 29.04.2009. godine i Zaključka Vlade Kantona Sarajevo donešenog 18.12.2008. godine kroz stavove 2. 3. 4. i stav 19. u provođenju odluke gdje se Koordinacioni odbor borackih organizacija Kanton Sarajevo obezvuje za aktivno učešće u organizovanju obilježavanja za preko 75 značajnih događaja, datuma i ličnosti u Kantonu Sarajevo.

5 tim u vezi je i neophodna planska i realna budžetska potpora da bi se sve aktivnosti u korelaciji i sinhronizaciji sa Ministarstvom za boračka pitanja, pravovremeno planirale, pripremile, organizovale, kvalitetno realizovale i dosegle željene efekte.

Molim zastupnike u Skupštini Kantona sarajevo da se izjasne o navedenoj Inicijativi.

Sarajevo, 06.07.2022.godine

Elvedin Okerić

"Službene novine Kantona Sarajevo"
Broj 1/96

Na osnovu članova V-1.4. i IX-3(4) Ustava Federacije Bosne i Hercegovine ("Službene novine Federacije BiH", broj 1/94), Skupština Kantona Sarajevo, na sjednici održanoj dana 11. marta 1996. godine, donosi

USTAV
KANTONA SARAJEVO

I - OPĆE ODREDBE

Član 1.

Sadržaj

Ovim Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti.

Član 2.

Uspostavljanje Kantona

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14. decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

Član 3.

Naziv i sjedište Kantona

Službeni naziv Kantona je: Kanton Sarajevo.

Sjedište Kantona je u Sarajevu.

Član 4.

Teritorij Kantona

Teritorij Kantona obuhvata područja općina Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Trnovo i Vogošća, kako je to utvrđeno Mirovnim sporazumom. Ovaj teritorij se bliže utvrđuje posebnim propisom Skupštine Kantona (dalje: Skupština) sukladno federalnim zakonima.

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavanje građana sa područja Kantona na neki od propisanih načina.

Član 5.

Službena obilježja Kantona

Kanton ima grb, zastavu, himnu/svečanu pjesmu i pečat, kao i druga obilježja o kojima odlučuje Skupština.

Službena obilježja Kantona upotrebljavat će se samostalno ili zajedno sa službenim obilježjima Bosne i Hercegovine i Federacije, kako je to određeno njihovim propisima i propisima Kantona.

Za prihvatanje službenih obilježja iz prethodnog stava u Skupštini potrebna je kvalifikovana većina ukupnog broja poslanika.

Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovnikom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovnikom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).

Svako općinsko vijeće općina koje formiraju Grad izabrat će 7 delegata u Gradsko vijeće iz reda općinskih vijećnika. Bošnjacima, Hrvatima i grupi Ostalih će pojedinačno biti garantiran minimum od 20% mjesta u Gradskom vijeću, bez obzira na izborne rezultate.

Ukoliko se izborom gradskih vijećnika iz reda općinskih vijećnika ne može popuniti minimalan broj mjesta zagarantovan stavom 3. ovog člana, gradski vijećnici će biti birani iz reda kandidata sa lista političkih stranaka koje participiraju u općinskim vijećima, a na osnovu izbornih rezultata".

AMANDMAN III

U članu 18. pod (j), riječ "općine" je zamijenjena riječima "općinu, Grad".

AMANDMAN IV

Iza člana 18. dodaje se novi član 18a. koji glasi:

"Predsjedavajući i zamjenik predsjedavajućeg Skupština bira predsjedavajućeg i njegovog zamjenika iz reda izabranih poslanika. Predsjedavajući i njegov zamjenik neće biti izabrani iz istog konstitutivnog naroda".

U članu 19. stav 1. se briše.

AMANDMAN V

U članu 23., iza stava 1. dodaje se novi stav 2. koji glasi:

"Postojeće pravična i odgovarajuća zastupljenost svih naroda koji žive u Kantonu na svim nivoima Kantonalnih izvršnih vlasti".

AMANDMAN VI

Član 26. se mijenja i glasi:

"Potpredsjednik Kantona

Skupština će izabrati i potpredsjednika Kantona. Potpredsjednik Kantona se bira na period od dvije godine i ne može se na tu funkciju birati više od dva puta uzastopno.

Potpredsjednik Kantona obavlja poslove koje utvrdi predsjednik Kantona, kao i druge poslove kako je to utvrđeno posebnim kantonalnim propisima.

Predsjednik i potpredsjednik Kantona neće biti iz istog konstitutivnog naroda".

AMANDMAN VII

Na kraju člana 29. pod (f) dodaju se riječi: "i Gradu".

AMANDMAN VIII

Iza člana 29. dodaje se novi član 29a. koji glasi:

"Ministar i zamjenik ministra unutrašnjih poslova i ministar i zamjenik ministra stambene politike neće biti imenovani iz reda istog konstitutivnog naroda.

- b) osigurati suradnju svake osobe i svakog službenika u davanju potrebnih informacija i podataka;
 - c) osigurati pristup i kontrolu na svim mjestima gdje su osobe lišene slobode, zatvorene ili gdje rade;
 - d) omogućiti prisustvo sudskim i upravnim postupcima kao i sastancima organa.
- Nalazi i izvještaji tijela iz stava 1. ovog člana će se razmatrati u nadležnim organima po hitnom postupku, te će na osnovu toga biti preduzimate odgovarajuće mjere gdje to bude potrebno.

III - NADLEŽNOSTI KANTONA

Član 11.

Određivanje nadležnosti

Kanton ima nadležnosti utvrđene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu pretpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.

Član 12.

Isključive nadležnosti

U okviru svojih nadležnosti Kanton je nadležan za:

- a) uspostavljanje i nadziranje policijskih snaga;
- b) utvrđivanje obrazovne politike, uključujući donošenje propisa o obrazovanju i osiguranje obrazovanja;
- c) utvrđivanje i provođenje kulturne politike;
- d) utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
- e) utvrđivanje politike koja se tiče reguliranja i osiguravanja javnih službi;
- f) donošenje propisa o korištenju lokalnog zemljišta, uključujući i zaniranje;
- g) donošenje propisa o unaprijeđivanju lokalnog poslovanja i dobrotvornih aktivnosti;
- h) donošenje propisa o lokalnim postrojenjima za proizvodnju energije i osiguranje njihove dostupnosti;
- i) utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- j) provođenje socijalne politike i uspostava službi socijalne zaštite;
- k) stvaranje i primjena politike turizma i razvoja turističkih resursa;
- l) stvaranje pretpostavki za optimalni razvoj privrede koja odgovara urbanoj sredini;
- m) finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

Član 13.

Zajedničke nadležnosti sa Federacijom

Kanton zajedno sa Federacijom, samostalno ili u koordinaciji sa federalnim vlastima vrši slijedeće nadležnosti:

- a) jamčenje i provođenje ljudskih prava;
- b) zdravstvo;
- c) politika zaštite čovjekove okoline;
- d) komunikacijska i transportna infrastruktura;
- e) socijalna politika;
- f) provođenje zakona i drugih propisa o državljanstvu;
- g) imigracija i azil;
- h) turizam;
- i) korištenje prirodnih bogatstava.

Član 14.

Vršenje nadležnosti

Svoje nadležnosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadležnosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadležnosti će Kanton vršiti cjelovito i samostalno.

Član 15.

Prenošenje nadležnosti

Svoje nadležnosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadležnosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može neke od svojih nadležnosti prenijeti i na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadležnosti u smislu ovog člana donosi Skupština.

IV - STRUKTURA VLASTI

A) ZAKONODAVNA VLAST

Član 16.

Opća odredba Zakonodavnu vlast u Kantonu vrši **Skupština** Kantona.

Član 17.

Sastav Skupštine

Skupština je jednodomno predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom izbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje 2 (dvije) godine.



SLUŽBENE NOVINE KANTONA SARAJEVO

Godina XVIII – Broj 6

Četvrtak, 14. februar 2013. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana V.2.6.a) Ustava Federacije Bosne i Hercegovine i člana 42. stav 3. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj dana 30.01.2013. godine, usvojila je

AMANDMANE XLIII-XLIX NA USTAV KANTONA SARAJEVO

AMANDMAN XLIII

U članu 13. tačka D iza riječi "državljanstvu" dodaju se riječi: "i putnim ispravama državljana Bosne i Hercegovine sa teritorije Federacije i o boravku i kretanju stranaca", a tačka g) briše se.

AMANDMAN XLIV

U članu 17. iza stava 1. dodaje se novi stav 2., koji glasi: "Pripadnicima nacionalnih manjina u Kantonu garantuje se jedno poslaničko mjesto u Skupštini, koje se popunjava u skladu sa izbornim propisima."

U dosadašnjem stavu 2., koji postaje stav 3., riječ "federalnim" briše se.

Dosadašnji st. 3. i 4. postaju st. 4. i 5.

Dodaje se novi stav 6. koji glasi:

"Klub Ostalih formira se uz uslov da postoji najmanje jedan poslanik koji se izjašnjava kao Ostali odnosno kao pripadnik nacionalne manjine."

AMANDMAN XLV

U članu 18a. dodaje se novi stav 1., koji glasi:

"Skupština ima predsjedavajućeg i tri zamjenika predsjedavajućeg, koji se biraju iz reda konstitutivnih naroda i Ostalih."

Dosadašnji st. 1. do 4. postaju st. 2. do 5.

U novom stavu 2. riječi: "konstitutivnih naroda predlaže" zamjenjuju se riječima: "konstitutivnih naroda i Ostalih predlažu po".

U novom stavu 4. iza riječi: "konstitutivni narod" dodaju se riječi: "i Ostali".

U novom stavu 5. riječ "Tri" zamjenjuje se riječju "Četiri".

AMANDMAN XLVI

U članu 19. stav 3. briše se.

Obrzičovanje

Ovim amandmanom mijenja se član 19. Ustava Kantona Sarajevo, koji je prethodno mijenjan Amandmanom XXIII na Ustav Kantona Sarajevo.

Stav 3. člana 19. nije brisan prilikom prethodnih amandmanskih izmjena stava 2. ovog člana, mada se radi o ponavljanju rješenja propisanih stavom 2. tog člana.

AMANDMAN XLVII

U članu 21a. stav 1. riječi: "stav 4." zamjenjuju se riječima: "st. 4. i 6."

U st. 2. i 4. iza riječi: "konstitutivnih naroda" dodaju se riječi: "i kluba Ostalih".

AMANDMAN XLVIII

U članu 21b. stav 1., u prvom i zadnjem redu, kao i u stavu 2. iza riječi: "konstitutivnih naroda" dodaju se riječi: "i kluba Ostalih".

AMANDMAN XLEX

Iza člana 30. dodaje se član 30b., koji glasi:

"Raspodjela funkcija

"član 30b.

Predsjedavajući Skupštine i premijer Kantona ne mogu biti iz istog konstitutivnog naroda odnosno iz reda Ostalih".

Broj 01-01-2451/13
30. januara 2013. godine
Sarajevo

Predsjedavajuća
Skupštine Kantona Sarajevo
Prof. dr. Mirjana Malčić, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i člana 187. stav 2. Poslovnika Skupštine Kantona Sarajevo ("Službene novine Kantona Sarajevo", broj 41/12-Drugi novi prečišćeni tekst br. 41/12), Skupština Kantona Sarajevo, na sjednici održanoj dana 30.01.2013. godine, donijela je

raspodjela sredstava ostvarenih po osnovu njihovog korišćenja;

6. upravljanje i raspolaganje imovinom Grada;
 7. upravljanje, finansiranje i unapređenje djelatnosti i objekata gradske komunalne infrastrukture:
 - a. gradska groblja;
 - b. mostovi od posebnog značaja za Grad;
 - c. gradska ulična rasvjeta;
 - d. gradski parkovi;
 8. odlučivanje o raspolaganju stanovima u vlasništvu Grada i visini zakupnine za korišćenje stanova koji su u vlasništvu Grada, propisivanje pravila održavanja reda u stambenim zgradama na području Grada, obezbjeđivanje sredstava za radove radi zaštite objekata od kulturno-istorijskog značaja na području Grada, uređivanje i obezbjeđivanje korišćenja poslovnog prostora kojim upravlja Grad, utvrđivanje visine naknade za korišćenje poslovnih prostora u vlasništvu Grada i vršenje nadzora nad njihovim korišćenjem;
 9. određivanje imena ulica i trgova na području Grada;
 10. donošenje propisa o uslovima, izgradnji i održavanju spomenika, spomeničkih i sličnih obilježja na području Grada;
 11. osnivanje, upravljanje, unapređenje i finansiranje ustanova i izgradnja objekata za zadovoljavanje potreba stanovništva u oblasti kulture i sporta od značaja odnosno posebnog interesa za Grad;
 12. utvrđivanje osnova zajedničke politike razvoja kulture, fizičke kulture, sporta, odmora i rekreacije građana na području Grada i organizovanje odnosno učestvovanje u organizovanju kulturnih i sportskih manifestacija i sportskih takmičenja od značaja za Grad;
 13. analiza stanja javnog reda i mira, bezbjednosti ljudi i imovine, te predlaganje mjera prema organima nadležnim za ova pitanja;
 14. donošenje propisa o porezima, naknadama, doprinosima i taksumima iz nadležnosti Grada;
 15. uspostavljanje i vršenje inspekcijanskog nadzora nad izvršavanjem propisa iz vlastitih nadležnosti Grada;
 16. raspisivanje referenduma za područje Grada;
 17. raspisivanje samodoprinosa, javnog zajma i odlučivanje o zaduženju Grada;
 18. osnivanje i obezbjeđivanje uslova rada gradskih radio i TV stanica, listopisanih glasila i drugih sredstava javnog informisanja;
 19. podsticanje razvoja civilnog društva;
 20. zaštita životinja.
- Obavljanje pojedinih poslova iz stava 1. ovog člana Grad može, u skladu sa zakonom, povjeriti ustanovama, privrednim društvima, drugim pravnim licima i obrtnicima."

"Član 4e.

Općine koje nisu u sastavu Grada i Grad zajednički upravljaju, finansiraju i unapređuju djelatnosti i objekte nedjeljive komunalne infrastrukture, i to:

1. vodosnabdijevanje, odvođenje i prerada otpadnih voda;
2. održavanje javne čistoće i upravljanje čvrstim otpadom;
3. snabdijevanje prirodnim gasom;
4. daljinsko grijanje i
5. organizovanje i unapređenje gradskog javnog prevoza.

Općine koje nisu u sastavu Grada i Grad mogu povjeriti obavljanje poslova iz stava 1. ovog člana Kantonu."

AMANDMAN LIII

Iza člana 5. dodaje se član 5a., koji glasi:

"Član 5a.

Službeni jezici u Kantonu su: bosanski jezik, hrvatski jezik i srpski jezik, a službena pisma su latinica i cirilica.

Ostali jezici mogu se koristiti kao sredstvo komunikacije i nastave.

Određbe Ustava odnose se podjednako na osobe muškog i ženskog spola, bez obzira na rod imenice upotrijebljene u tekstu."

AMANDMAN LIV

U članu 12. uvodna rečenica mijenja se i glasi:

"Kanton ima sve nadležnosti koje nisu izričito povjerene Federalnoj vlasti ili koje ne spadaju u vlastite nadležnosti jedinica lokalne samouprave, a posebno je nadležan za:"

AMANDMAN LV

U članu 38. stav 2. mijenja se i glasi:

"Općina i Grad imaju pravo na odgovarajuće izvore finansiranja kojima slobodno raspolazu u okviru svojih ovlaštenja, kao i na sredstva za obavljanje delegiranih ili prenesenih poslova iz okvira prava i dužnosti Kantona."

Iza stava 2. dodaju se novi st. 3, 4. i 5., koji glase:

"Općina i Grad ostvaruju prihode oporezivanjem, zaduživanjem i na drugi način, u skladu sa zakonom.

U skladu sa utvrđenom fiskalnom politikom, kantonalnim zakonom se utvrđuju vrste poreza, naknada, doprinosa i taksi koji u cijelosti ili djelimično pripadaju općini i Gradu kao izvorni prihodi.

Jedan dio finansijskih izvora općina i Grad ostvaruju od lokalnih taksi i naknada čiju stopu samostalno utvrđuju u okviru zakona."

Dosadašnji stav 3. postaje stav 6.

AMANDMAN LVI

Iza člana 39. Ustava Kantona dodaje se novi član 39a. - Imovina jedinica lokalne samouprave, koji glasi:

Član 39a. - Imovina jedinica lokalne samouprave

Općina i Grad imaju pravo na pokretna i nepokretna imovina.

Imovinom se smatraju stvari, prava i novčana sredstva koja su stečena kupovinom ili na drugi način u skladu sa zakonima Bosne i Hercegovine, Federacije i Kantona.

Imovinom općine odnosno Grada upravlja općinsko, odnosno Gradsko vijeće, na način utvrđen statutom."

AMANDMAN LVII

Iza člana 51. Ustava Kantona dodaje se novi član 52. koji glasi:

"Član 52.

Skupština Kantona Sarajevo će kantonalne zakone kojima je uređena lokalna samouprava i pripadnost javnih prihoda nakladiti s ovim amandmanima i njima uređiti pitanja nadležnosti i odgovornosti Grada i općina, njihove međusobne odnose i način finansiranja.

Prenos i preuzimanje nadležnosti i finansijskih sredstava za njihovo obavljanje izvršice se najkasnije u roku od dvije godine od stupanja na snagu ovih amandmana."

Broj 01-01-25012/17
31. jula 2017. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 187. stav 2. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13, 47/13, 47/15 i 48/16), Skupština Kantona Sarajevo, na sjednici održanoj dana 31.07.2017. godine, donijela je

ODLUKU

O PROGLAŠENJU AMANDMANA L DO LVII NA USTAV KANTONA SARAJEVO

I

Proglašavaju se Amandman L do LVII na Ustav Kantona Sarajevo, koji je donijela Skupština Kantona Sarajevo, na sjednici održanoj dana 31.07.2017. godine.

